

TEKS UCAPAN

LT. KOL. PROF. DATO' DR. KAMARUDIN HUSSIN  
REKTOR KUKUM

BERSEMPENA KEJOHANAN BOLING PERSAHABATAN ANTARA JABATAN  
CANSELORI KOLEJ UNIVERSITI KEJURUTERAAN UTARA MALAYSIA (KUKUM)  
DAN JABATAN CANSELORI UNIVERSITI UTARA MALAYSIA (UUM)  
PADA 28 FEB 2006 BERTEMPAT DI HOTEL HOLIDAY VILLA, ALOR STAR,  
KEDAH.

Bismillah Hirrahman Nirrahim

Asslamualaikum Warahmatullahi Taala Wabarakatuh dan Selamat Sejahtera

Yang Bhg. Dato' Nordin Kardi, Naib Canselor UUM,

Yang Berbahagia Prof. Dr. Ali Yeon Md. Shakaff. Timbalan Rektor (Akademik dan Pengantarabangsaan) KUKUM

Yang Berbahagia Prof. Madya Dr. Zul Azhar Zahid Jamal. Timbalan Rektor (Penyelidikan dan Inovasi) KUKUM

Pasukan dari UUM dan warga kerja KUKUM sekalian.

Bersyukur ke hadrat Allah S.W.T kerana dengan izin dan limpah kurniaNya mengizinkan kita semua berkumpul bersama-sama pada hari ini bersempena dengan Kejohanan Boling Persahabatan Antara Jabatan Canselor Kolej Universiti Kejuruteraan Utara Malaysia (KUKUM) Dan Jabatan Canselor Universiti Utara Malaysia (UUM)

Hadirin dan hadirat sekalian,

Semoga dengan kejohanan ini ianya akan dapat merapatkan hubungan silaturrahim antara KUKUM dan UUM di masa-masa akan datang. Insyallah. Kejohanan sukan seperti ini bukan sahaja dapat menyihatkan badan malah secara tidak langsung ia dapat merapatkan ukhuwah dan hubungan silaturrahim antara satu sama lain. Ibarat seperti kata orang-orang tua, yang jauh kita dekat-dekatkan dan yang dekat kita mesra-mesrakan bagi menjalankan satu hubungan yang diharapkan akan kekal abadi.

Kejohanan ini secara tidak langsung juga membuka ruang kepada tuan-tuan dan puan-puan yang saya hormati untuk mengenali KUKUM dengan lebih dekat. Mungkin masih ramai yang belum mengetahui KUKUM secara mendalam hatta ia telah ditubuhkan kira-kira empat tahun yang lepas. Tak kenal maka tak cinta. Justeru itu sudi-sudikanlah bertanya kepada warga kerja KUKUM yang begitu mesra dengan sesiapa sahaja.

Saya sudahi dengan wabillahi taufik walhidayah, wassalamualaikum warahmatullahi taala wabarakatuh.